

է, որ այդ նորոգութիւնը տեւել է 3—4 տարի, մինչև հայոց ՈՂԳ (633+551=1184) թվականը:

Մեզ չափազանցութիւն է թվում Հովհաննես առաջնորդի այն հայտարարութիւնը, որ իբրև թէ ինքը շինել է երբեմն գոյութիւն ունեցող եկեղեցին («շինեցի զերբեմն լեալ զեկեղեցիս»), թեպետ շինել բառն անցյալում հաճախ գործ է ածվել նորոգելու իմաստով ևս, իսկ այսօրվա հասկացողութեամբ շինել բառի համար հնում հաճախ գործ են ածել շինել ի խամոյ, շինել ի հիմանց դարձվածքները:

Ամենափրկիչ եկեղեցին շինվել էր այդ նորոգութիւնից ընդամենը 215 տարի առաջ իր, մինչև մեր օրերը պահպանված, ամրակուռ պատերով և զեղեցիկ, եկեղեցու շուրջը պար բռնող որմնակամարներով: Նրա արտաքինի վրա մեծ մասամբ պահպանվել են սկզբնական կառուցվածքի զեղեցիկ հարդարանքները, իսկ այն տեղերում, որտեղ այդ հարդարանքները չկան, երևում է, որ փոխվել են միայն պատերի երեսապատ քարերը և ոչ թե քանդվել ու նորից են շինվել դրանք: Արևմտյան պատի վրա, գավթի մեջ, պահպանվել են հին եկեղեցու բոլոր հարդարանքներն առանց որևէ նորոգութեան, միայն թէ պատին կից հետագայում շինել են ներքին ժամատան որմնասյուները:

Տուտեորդին իր խաչքարի արձանագրութեան մեջ Հովհաննեսի այդ աշխատանքները համարում է պարզապես նորոգութիւն և ոչ թէ վերաշինութիւն: Նա իր խաչքարի մասին գրում է.

«Կանգնեցաւ ի հայրութեան Տովհաննիսի, յորում ամի նորոգեցաւ կաթողիկէս սուրբ ի թու(իս) ՈՂԳ»:

Համենայն դեպս այդ, ինչպես նաև դրանից հետո կատարված նորոգութիւնները եկեղեցու կառուցվածքի մեջ որևէ փոփոխութիւն չեն մտցրել, այլ միայն ամրապնդել են նրա խարխլած մասերը, իհարկե, բացի գմբեթից, որ հիմնովին վերաշինվել է այդ նորոգութեան միջոցին:

Սակայն այդ ընթացիկ նորոգութիւնների հետևանքով եկեղեցին կորցրել է իր ծածկի սկզբնական սալքարերը, բոլոր կողմերի քիվերը և տաճարի մի շարք տեղերում պատերի երեսապատ քարերը, որ փոխարինվել են նորով:

Այնուհետև Ամենափրկիչ եկեղեցին նորոգվել է 1652 թվականին՝ վանքի ընդհանուր նորոգութեան հետ միասին, Արղութեանց Սարգիս արքեպիսկոպոսի առաջնորդութեան ժամանակ և ուստա Սարգսի ղեկավարութեամբ: Երկու անգամ էլ նորոգվել է 19-րդ դարում, որոնցից մեկը 1815 թվականին՝ Արղութեանց Սողոմոն հաղարապետի և Զարբե իշխանի ծախսով (արձ. 66) և մյուսը 1881 թվականին՝ Արղութեանց Հովսեփ Փարսաղանյանի «անձամբ անձին վերակացութեամբ և իմով աշխատանք», որոնց ընթացքում նորոգվել են տաճարի գմբեթը և ծածկի սալքարերը (արձ. 11):

Վերջին նորոգութիւնները կատարել է Ճարտարապետական հուշարձանների պահպանութեան կոմիտեն 1939—1940 և հետագա տարիներին:

3. Ամենափրկիչի ժամատուն (ներքին գավթի): Կառուցվել է ի հիմանց 1181 թվականին Հովհաննես առաջնորդի կողմից, ամիր Քրդի և Գրիգոր վարդապետ Տուտեորդու օժանդակութեամբ (արձ. 12): Կառուցմանը մասնակցել են նաև Լուվա Կյուրիկե Գ թագավորի Մարիամ, Բավրինա, Ռուսուգան աղջիկները և նույն Կյուրիկեի կնոջ՝ Թամարի հորաքույր Ռուսուգանը, որոնցից յուրաքանչյուրն իր հիշատակին կանգնեցրել է գավթի կենտրոնական շորս սյուներից մեկը (արձ. 28, 29, 30, 31):

Իբրև հիշատակ իր օժանդակութեան Տուտեորդին մի փոքրիկ արձանագրութիւն է զետեղել գմբեթի ներսում, նրա հիմքի վրա, որ հետևյալ բովանդակութիւնն ունի՝

«ԶԳրիգոր վարդապետ որդի Տուտայ լիշեսից ի Քս Յս» (արձ. 35):

Գավթի կառուցող գլխավոր վարպետը մինչև այժմ անհայտ մնացած Ժամհայրն է, որի արձանագրութիւնը պահպանվել է իր շինած գավթի հարավ արևելյան որմնասյան կամարի վրա: Այդ արձանագրութեան մեջ ասվում է, որ Աստվածածնի ավետման տոնի պատարագը բոլոր եկեղեցիներում գավթի շինող ժամհորն է նվիրվում անխափան (արձ. 32): Ժամհայր անունը, որ ծանոթ է նաև Շամշադնի շրջանի Շխմուրատա վանքի մի արձանագրութիւնից, Շահաթունյանը կարդացել է ժամ առնեն:

Գավթը գրեթե հավասարակողմ քառակյունի մի գահլիճ է, շինված կաթողիկե